


यूनिट 3

कुदरत दे तोहफे

यूनिट दे बारे च

जानवरें ते बूह् टें दे अलावा, थमां केई चीजां मिलदियां न जि'यां पानी ते भोजन। ओह् साढ़े सेह्तमंद जीवन आस्तै अनमुल्ले संसाधन न।

एह् युनट असेंगी पानी ते भोजन दे बारे च दसदा ऐ। असेंगी भोजन खाने ते साफ पानी पीने दा उद्देश्श रक्खना चाहिदा। साफ-सुथरा रौह्ने ते बर्जश करने कन्नै असेंगी चंगा मसूस हुंदा ऐ ते सेह्तमंद रौह्ने च मदाद मिलदी ऐ। असेंगी भविक्ख आस्तै अपनी धरती दे साधनें दी सांभ-संभाल करना बी सिक्खना चाहिदा।



શિક્ષક આસ્તૈ

એહ્ યુનટ ‘કુદરત દે તોહ્ફે’ દે બારે ચ એ। ઇ’નેં ધ્યાયેં ચ શામલ પ્રમુખ ધારણાં દા વર્ણન યેલ્લ કીતા ગેદા એ।

ધ્યાસ 7 : પાની ઇક નમુલ્લા તોહ્ફા ઇસ ગલ્લૈ ગી દસદા એ જે કિ’યાં બરખા અસેંગી પાની દા અનમુલ્લા તોહ્ફા દિંદી એ, જિસી ફહી બક્ષ-બક્ષ તરીકેં કનૈ રક્ષેઆ જંદા એ। અસ ઇસ પાની દી સફાઈ પરખિયૈ ઇસગી ઘરેં ચ બંડને આં। હર ઇક પરોઆર પાની ગી રોજ ઇસ્તેમાલ કરને આસ્તૈ સ્ટોર કરદા એ, તે ઇસગી કેઈ તરીકેં કનૈ ઇસ્તેમાલ કરદા એ। હાલાં-કે, પાની દી ગુણવત્તા તે માત્તરા દૌનેં દે સરબંધે ચ ચુનૌતિયાં પૈદા હોંદિયાં ન। ઇ’નેં મુદેં ગી હલ કરને આસ્તૈ, અસ જલ સંસાધનેં દી સાંભ-સંભાલ દે ઉદ્દેશ કનૈ બક્ષ-બક્ષ જુગતિયેં ગી લાગૂ કરને આં।

ધ્યાસ 8 : અસ જેહ્ ડા ભોજન યવ્ને આં, અસેંગી અપની સેહ્ ત બનાઈ રક્ષને ચ ભોજન દી એહ્ મ ભૂમકા ગી સમઝને ચ મદાદ કરદા એ। અસ બક્ષ-બક્ષ ચીજેં થમાં થોને આહ્ લે બક્ષ-બક્ષ કિસમ દે ભોજન ગી યવ્ને આં। હર ઇક ભોજન જરૂરી પોશક તત્વ દિંદા એ જેહ્ ડા નોખે તરીકેં કનૈ સાઢે શરીરે ગી ફાયદા પજાંદા એ। સાઢી બક્ષ-બક્ષ સંસ્કૃતિયેં ચ બક્ષ-બક્ષ ભોજન દે પોશક મુલ્લેં બારૈ નમુલ્લા ગ્યાન એ તે સેહ્તમંદ ભોજન ચુનને આસ્તૈ સાઢી રૈહ્બરી કરદા એ।

ધ્યાસ 9 : સેહ્તમંદ તે યુશ રૌહ્ના સફાઈ તે ચંગી સેહ્ ત બનાઈ રક્ષને દે મહત્તવ પર જોર દિંદા એ। અસ સાફ-સફાઈ દે જરૂરી નિજમેં ગી સિયક્ષને આં, જેહ્દે કનૈ સાઢે ઘરેં તે આસ્સૈ-પાસ્સૈ સાફ-સફાઈ બની રૌંદી એ। રોજે દી બર્જશ સાઢી દિનચર્યા દા ઇક હિસ્સા બની જંદી એ, જેહ્ડી શરીરીક તે માનસક તૌરા પર અસેંગી સેહ્તમંદ બનાંદી એ। અપને બાતાવરણ દે બનાએ દે કાયદેં તે નિજમેં ગી સમઝિયૈ તે ઁંદા પાલન કરિયૈ અસ હોને આહ્લે નકસાન કોલા અપને આપૈ ગી બચાને આં।



- વ્લાસ ચ ‘ફૂડ મેલે’ દી યોજના બનાઓ; બક્ષ-બક્ષ કિસમ દે ભોજન, જિ’યાં અનાજ, મસાલે, ફલ, સબ્જિ’યાં બગૈરા દી નમૈશ લાને દી કોશશ કરો।
- પાની ગી સ્ટોર કરને આસ્તૈ ઇસ્તેમાલ કીતે જાને આહ્ લે બક્ષ-બક્ષ કંટેનરેં તે પાંડેં પર ઇક નમૈશ દા ઇંતજામ કરો; તુસ ઇંદિયાં તસ્વીરાં બી લાઈ સકદે ઓ।
- ભોજન, પાની, સફાઈ તે સેહ્તમંદ આદતેં કનૈ સરબંધત સ્ટેઈ તે ઁમરી દે મતાબક લૌહ્ કે વીડિયો તે ફિલ્માં, વ્હાની દિયાં કતાબાં તે કવિતાં અપને કોલ રક્ષો।
- જાત્તરા જાં જાત્તરી : સુરક્ષેઆ કનૈ અપને ગુઆંઢે ચ પાની દે બક્ષ-બક્ષ સ્તોતેં દી જાત્તરા દી યોજના બનાઓ। ચંગી સેહ્ ત આસ્તૈ યોગાસન કરને લેઈ ઇક યોગ શિક્ષક ગી સાદ્દા દેઓ; સાફ સફાઈ બનાઈ રક્ષને દે બારે ચ ય્યાળેં કનૈ ગલ્લ-કથ કરને આસ્તૈ ઇક સેહ્ ત વ્યવસાયી ગી સાદ્દા દેઓ; મા-પ્યો તે બરાદરી દે સદસ્યેં ગી ભોજન મેલે દરન દેસી ભોજન ગી સાંઝા કરને તે ઁંદે બારે ચ ગલ્લ-કથ કરને આસ્તૈ સાદ્દા દેઓ।

ध्याऽ



पानी: इक नमुल्ला तोह्फा

बरखा, बरखा, मुढ़ियै आ,



आइयै थल्लै फही ,
उप्पर नेई जा ?

इक हफ्ते तगर हर रोज शमानै गी दिक्खो । क्या बरखा होग ? तुं'दा अंदाज़ा किश दिनें आस्तै स्हेई होई सकदा ऐ, ते किश दिनें आस्तै एह गल्ल बी होई सकदा ऐ ।

क्या कोई ऐसी सूहू लगगी सकदी ऐ जेहू डी तुसें गी अंदाज़ा लाने च मदाद करै जे बरखा होग जां नेई ? इक बजुर्ग कोला पुच्छो जे ओहू कि'यां अंदाज़ा लांदे हे । उनेगी लिखो ।



लिखो


मिगी लगदा ऐ जे अज्ज बरखा होग की जे ...

(घट्ट कोला घट्ट 2 सुराग लिखो)

मिगी लगदा ऐ जे अज्ज बरखा नेई होग की जे ...

(घट्ट कोला घट्ट 2 सुराग लिखो)

बरखा आई गेई !



शिक्षक आस्तै

इस ध्याऽ दा पैहू ला हिस्सा उसलै बी कीता जाई सकदा जिसलै तुंदै बरखा होऐ तां कीता जाई सकदा ऐ । ज्याणे अजादी कन्नै दिक्खी सकदे न, सुआल करी सकदे न, अंदाज़ा लाई सकदे न, चर्चा करी सकदे न, चित्तर बनाई सकदे न ते अपनी पड़ताल गी रिकार्ड करी सकदे न ।



गतिविधि

1



बरखा दे बारे च अपने आपै शा मते कोला मते सुआल पुच्छो ।

- एह् बरखा भारी ऐ जां हौली ?
- बरखा दियां कनियां बड्डियां न जां लौह् कि'यां ?
- क्या ओह् तेजी कन्नै ख'ल्ल औंदी ऐ जां बल्लें ?
- क्या बरखा इन्नी जोरै दी ही जे तुसें गी पानी दियां फुंगा नेई लभदियां , बल्के छड़ियां लकीरां जां पानी दियां चादरां जन लभदियां ?
- क्या बरखा सिद्धी ख'ल्ल पवा करदी ऐ ? क्या एह् ढेडी ऐ जां अपनी दिशा बदला दी ऐ ? अंदाज़ा लाओ ऐसा की होआ करदा ऐ ।
- इक भांडे च बरखा दे पानी गी किट्ठा करो । क्या एह् साफ ऐ जां गंदा ?



खिच्चो

- बरखा दी इक तस्वीर बनाओ । जिसी तुसें दिक्खे दा ऐ ।





- क्या तुसें गी लगदा ऐ जे अज्ज परतियै बरखा होग ? जां कल्ल ? तुसें गी ऐसा की लगदा ऐ ?
- क्या छड़ा तुं'दे खेत्तर च जां आस्सै-पास्सै होरनें थाहू रें पर बी बरखा होई ? अंदाज़ा लाओ, फही पुच्छो ते पता करो ।
- बरखा दे बारे च किश गाने तुप्पो जां इक बनाओ, अपनी भाशा च जां कुसै होर च । बरखा दे बारे च किश गाने गाओ ।
- क्या बरखा ने तुसें गी खुश करी ओड़ेआ ? क्या इ'न्नै सभनें गी खुश करी ओड़ेआ ?

बरखा दे पानी दा केहू होआ ?

जिसलै बरखा होई, तां मता सारा पानी जमीनै पर पेआ । एहू सारा पानी कुतयै गेआ ?


इत्थै बक्ख-बक्ख सतहा पर बरखा पेई । कल्पना करो जे बक्ख-बक्ख सतहा पर बरखा दे पानी दा केहू होंदा ऐ ।

क्या बरखा दा पानी मिट्टी च अचरी जंदा ऐ, तलाएं च किट्टा होई जंदा ऐ जां बगदा दूर चली जंदा ऐ ? क्या तुसें कदे सोचेआ ऐ जे एहू पानी निक्के दरेआ च मिलदा ऐ जां बड्डी नदी च ?

बरखा रुकने ते सूरज निकलने परैत्त केहू होंदा ऐ ? इस सारे पानी दा केहू होंदा ऐ ? अपना अंदाजा लाओ ।

जिसलै बरखा दा पानी मिट्टी च अचरी जंदा ऐ, तां एहू बल्ले - बल्ले मिट्टी दे ख'ल्ल बगियै इक नदी जां तलाऽ च मिली जंदा ऐ । किश पानी चट्टानें ते मिट्टी च जमीना ख'ल्ल जमा होई जंदा ऐ । साढ़े खूहे दा पानी इत्थूं गै औंदा ऐ ।

बगदा पानी बाद इच नदियें च मिली जंदा ऐ । किश पानी तलाएं ते झीलें ते किश समुंदरें ते महासागरें च बी किट्टा होई जंदा ऐ ।





- क्या तुं'दे ग्रांS जां शैह् रै दे कोल कोई झरना, नदी, तलाS जां झील ऐ ? ओह् दा नांS ते ओह् दे बारे च किश जानकारी कड्डो । उत्थें जाओ ते ओह् दी तस्वीर बनाओ । जेह् डे बी बूह् टे, पक्खरु जां जानवर तुसेंगी उत्थें लभदे न उंदे चित्तर बनाओ ।
- कुसै नदी दे बारे च इक कविता तुप्पो ते क्लास च गाओ ।


पानी इक नमुल्ला तोह्फा ऐ !

पानी इक नेहा तोह्फा ऐ जेह् ड़ा शमानै थमां डिगगदा ऐ ।
एह् तोह्फा खास तरीकें कन्नै साढ़े घरें तगर पुजदा ऐ ।

अस इस तोह् फे द ध्यान कि'यां रक्खने आं ? अस
इसगी कि'यां स्टोर करने आं ? अस एह् दे कन्नै केह् करने आं
? आओ अस घरै दे अंदर जाचै ते पता लांचै ।

जैदातर दिनें च, सूरज ते बरखा गी घरै दे नलकें दा पानी
मिलदा ऐ । स्कूल च बी उ'नें गी नलकें दा पानी मिलदा ऐ ।

इ'नें सभनें नलकें गी पाइपें राहें पानी मिलदा ऐ । इ'नें
पैपें च पानी कु'त्थूं औंदा ऐ ? सूरज ते बरखा ने पैपें दा पीछा
करदे होई दिक्खेआ जे छतै पर इक टैंकी लग्गी दी ही । हून
ओह् र्हान न जे पानी टैंकी च कि'यां आया ।



शिक्षक आस्तै

पानी दा चक्कर चौथी क्लास च गै समझाया जाह् ग । हुनै लेई, ज्याणें गी दस्सो जे सख्त सतहें पर बचे दा पानी धुप्पै च सुक्की जंदा ऐ । मिट्टी च अचरने आह् ला बरखा दा पानी सभनें शा म्हत्तवपूर्ण ऐ, की जे एह् साढ़े पानी दे स्रोतें गी परतियै भरदा ऐ ते बूह् टें गी बधने च मदाद करदा ऐ ।





चर्चा करना

तुसें गी पानी कुत्थें मिलदा ऐ ?



क्या तुसें गी नलके थमां पानी मिलदा ऐ ? जे हां, तां अपने घरै दे बजुर्गे शा पुच्छो जे नलके च पानी कु'त्थूं औंदा ऐ। ओह् तुसें गी छतै पर जां किश दूरी पर इक टैंकी दे बारे च दस्सी सकदे न।

क्या तुसें गी कुसै ऐसी टैंकी दे बारे च पता चलेआ जित्थै पानी रक्खेआ जंदा ऐ ? उ'नें टैंकियें तगर पानी कि'यां पुज्जेआ ? क्या किश बड्डियां पैपां न जेह्ड़ियां इस टैंकी च पानी आह् नदियां न ? एह् पैपां कुत्थूं औंदियां न ?




क्या तुसें गी खुहै दा पानी मिलदा ऐ जां बोरवेल चा ? दिक्खो जे खुहै चा पानी कि'यां कड्डेआ जंदा ऐ। एह् चरखी जां हैंड पंप जां बिजली दे पंप दा इस्तेमाल करियै होई सकदा ऐ।

परतियै अंदाज़ा लाओ जे खुहै दा पानी कुत्थूं औंदा ऐ।

क्या तु'दे घरै च कोई नलके थमां जां खुहै थमां जां किश दूरै पर नदी जां झील थमां पानी आहनदा ऐ ? एह् पानी कु'न आह् नदा ऐ ? ओह् इसी कि'यां आह् नदे न ? तु'दे आस्तै पानी आह् नने आह् ले लोके गी 'धन्नवाद' आखो !



- क्या तुसें गी टैंकर थमां पानी पुजदा ऐ ? जे हां, तां पता करो जे एह् टैंकर कुत्थूंआ पानी आह् नदे न। क्या तु'दा पानी तु'दे ग्रांS जां शैह् रै दे कोल कुसै खूह्, नदी जां झील थमां औंदा ऐ ?
- क्या तुस कुसै नेहे मनुक्खै गी जानदे ओ जिसी हर रोज पानी हासल करने च मुश्कल होंदी ऐ ?



साढ़े रोजमर्रा दे जीवन च पानी



लिखो

- उ'नें सभनें गतिविधियें दी चंदी बनाओ जिं'दे लेई असेंगी पानी दी लोड़ ऐ।
- बुरश करने आस्तै तुसें गी किन्ने मग पानी दी लोड़ होंदी ऐ ? तुस न्हाने आस्तै किन्ने पानी दा इस्तेमाल करदे ओ ?

क्या तुं'दे कन्नै कदें ऐसा होआ जे तुसेंगी पानी नेई थ्होआ ? तुसें उसलै केहू कीता ?
इक दिन सूरज ते बरखा दे कन्नै बी इ'यै होआ। क्या तुसें गी पता ऐ जे उ'नें केहू कीता ?






पता लाना

अपने दादा-दादी जां कुसै बजुर्ग कोला पुच्छो :

- उ'नें गी पानी कु'लू थोदां हा ? क्या उ'नें पानी दा इस्तेमाल तु'दे आह् गर गै कीता ?
- उ'नें पानी कि'यां रक्खेआ ?
- तुसें गी जे कश पता चलेआ ओह्दे बारे च इक लौह् की कहानी लिखो ।

जिसलै के अस जानने आं जे असेंगी हर बेल्लै पानी नेई मिलदा । तां अस इसगी स्टोर करी लैने आं । किश थाह् रें पर लोकें गी अपने घरे च नलके ते पैपे राहे पानी नेई मिलदा ऐ । उ'नें गी नदी जां खुहै थमां पानी आह् नना पौंदा ऐ । कदे-कदे उ'नेंगी पानी, पानी दे टैंकरें राहे पजाया जंदा ऐ ते घरै च रक्खेआ जंदा ऐ । केई ब'रे पैह्ले, दुनिया च कुतै बी कोई पैपां जां नलके नेई हे । इस करियै लोके पानी गी रक्खने आस्तै कंटेनर जां भांडे बनाना सिक्खेआ । इत्थै किश भांडे न जिंदा इस्तेमाल अस अज्जै दे दिनें च घरै च पानी रक्खने आस्तै करने आं । ओह् बक्ख-बक्ख समगरी कन्नै बने दे होदे न ।



मिट्टी दा भांडा



मिट्टी गाणा




तामे दा भांडा



पित्तल दा भांडा



स्टील दा भांडा



एल्युमीनियम दा भांडा



शीशे दी
बोतल



प्लास्टिक दी बोतल



प्लास्टिक दी बाल्टी






गतिविधि



3

इक नमैश लाओ




- अपने घरै च पानी रक्खने आस्तै इस्तेमाल कीते जाने आहू ले बक्ख-बक्ख भांडें दी पन्थान करो।
- अपने परोआर दे बजुर्गे शा पुच्छो जे ओहू किस किसम दे भांडें च पानी रक्खेदे हे।
- क्या ओहू हून इस्तेमाल होने आहू ले भांडें शा बक्खरे हे ?
- क्या भांडें दे बक्खरे - बक्खरे नांऽ हे ?
- कागज़ दी इक बक्खरी शीट पर कुसै बी भांडे दी तस्वीर बनाओ जेहू ड़ा तुसें गी दिलचस्प लगदा ऐ ते ओहू दा नांऽ अपनी भाशा च लिखो।
- अपने शिक्षक दी मदाद कन्नै अपनी कलासै च इ'नें तस्वीरें दी इक नमैश लाओ।
- आस्सै-पास्सै चलो ते अपने साथि दे चित्तरें गी दिक्खो।
- किन्ने बक्ख-बक्ख किसमें दे भांडे दे चित्तर बने दे न ?
- क्या तुसें गी भांडें पर कोई पैटर्न मिलेआ ?



इक पल आस्तै रुको ते सोचो !




- बरखा दे रूपै च पानी धरती पर ख'ल्ल औंदा ऐ।
- एह बल्लें - बल्लें साढ़े केई स्रोतें गी भरदा ऐ - झरने, नदियां, तलाऽ, झीलां, खूह, भूजल बगैरा।
- इ'नें स्रोतें थमां अस केई तरीकें कन्नै अपने घरें च पानी आहू नने आं।
- अस इसगी केई तरीकें कन्नै स्टोर करने आं।
- अस इसदा केई तरीकें कन्नै इस्तेमाल करने आं।
- पानी दा इस्तेमाल करने परैत पानी दा केहू होंदा ऐ ?



पानी चीजें गी साफ रक्खने च असेंगी मदाद करदा ऐ। एहू साढ़ी सेहू त आस्तै बड़ा म्हत्तवपूर्ण ऐ। पर जिसलै अस एहू दा इस्तेमाल करने आं तां पानी गंदा होई जंदा ऐ। अस पीने जां रुट्टी पकाने आस्तै गंदे पानी दा इस्तेमाल नेई करी सकदे। पर अस अपने बूहटें गी पानी देने जां शौचालयें गी फ्लश करने आस्तै गंदे पानी दा परतियै इस्तेमाल करी सकने आं।

आओ अस पानी दे इस्तेमाल गी घटू करने ते जिसलै बी मुमकन होऐ पानी दा परतियै इस्तेमाल करने दी कोशश करचै।

असेंगी पानी च बड़ा मता साबन ते इस चाल्ली दे होर केई रसैन नेई घोलने चाहिदे।
आओ अस शमानै दे इस नमुल्ले तोहफे दा ख्याल रखचै !



हर इक बूंद मैहना रखदी ऐ

पानी गी पवित्तर मन्नेआ जंदा ऐ की जे एह साढ़े जीवन आस्तै बड़ा जरूरी ऐ। अस पानी पीते बगैर 3 दिनें शा मते नेई रेही सकदे। इ'यै कारण ऐ जे अस सभनें शा पैहू लें अपने घरै च औने आहू ले लोकें गी पानी दिनें आं। किश थाहूरें पर, जित्थै बड़ी घट्ट बरखा होंदी ऐ ते कोई बड्डा जल स्रोत नेई ऐन, लोकें गी

पानी आस्तै बड़ा दूर जाना पौंदा ऐ।


क्या तुसें गी नेई लगदा जे सभनें गी हर थाहू र , हर बेलै साफ पीने दा पानी मिलना चाहिदा ?

आओ करचै


जेहू डा बी तु'दे दरोआजे पर औंदा ऐ, उस्सी पीने दा साफ पानी देओ। एहू ओहू लोक होई सकदे न जेहू डे असेंगी डाक जां सफाई सेवां प्रदान करदे न। केई थाहूरें पर, घरें दे बाहू र पानी दे भांडे रक्खने दी परंपरा ऐ तां जे लेहाए दे गी पानी थोई सकै। एहू खास तौर पर सोहै होंदा ऐ।



लोकें आस्तै मुफ्त पीने दा पानी



टैंक च जानवरें आस्तै पीने दा पानी



चिड़ियें दा शनानघर




गतिविधि

4

पक्खरुएं दा शनानघर त्यार करो - सोहै पक्खरुएं गी पानी देओ ।

- पक्खरु शनानघर च पक्खरुएं दे पीने ते ठंडा होने आस्तै इक घट्ट डूह्गी प्लेट च पानी रक्खेआ जंदा ऐ ।
- इक घट्ट डूह्गी ते चैड़ा भांडा लैओ (इक पराना बड्डा कटोरा जां पुराने भांडे दा तला जां बाल्टी, 10 सेंटीमीटर कोला घट्ट डूह् गा)
- पक्खरुएं दे बौह् ने आस्तै एह् दे च किश पत्थर रक्खो । तुस किश गीह्टे कन्नै घंडे गी ढालमा करी सकदे ओ । लौह् के गीह्टे कीड़ें गी इस पानी दा इस्तेमाल करने च मदाद करदे न ।
- एह् दे च ताजा पानी पाओ ते कटोरा अपनै बेह् डै, गैलरी जां छतै पर रक्खो ।
- पानी गी घड़ी-मुड़ी बदलो ।
- हफ्ते च दो बारी खडूचे कन्नै चिड़ियें दे शनानघर गी साफ करो । रसोई दे भांडें आस्तै इस खडूचे दा इस्तेमाल नेई करो; इसगी बगीचे आस्तै रक्खो ।




आओ विचार करचै

क. लिखो

1. तुसें बरखा दा इंतजार कीता ते दिक्खेआ जे कि'यां बरखा दियां बूदां जमीन पर डिग्गी पेइयां। तुसें बरखा दा पानी किट्टा कीता ते दिक्खेआ जे एह् साफ हा जां गंदा। तुसें दिक्खेआ जे बक्ख-बक्ख थाह् रें पर डिग्गने आह् ले बरखा दे पानी दा केह् होआ। हून बरखा दे बारे च अपने टिप्पणियें पर किश पंक्तियां लिखो।
2. तुसें गी अपने थाह् रें दे कोल इक धारा, नदी, खूह्, तलाऽ जां झील दे बारे च नांऽ ते किश जानकारी थोई। इसगी किश पंक्तियें च लिखो : क्या एह् पानी पीने आस्तै इस्तेमाल कीता जंदा ऐ ? जे हां, तां एह् पानी तुं'दे घर कि'यां लेई जाया जंदा ऐ ? जे एह् दा इस्तेमाल नेई कीता जंदा ऐ, तां की नेई ? क्या एह् दा इस्तेमाल अतीत च कीता गेआ हा ?

ख. चित्तर बनाओ

अपने चिड़ियें दे स्नान दी इक तस्वीर बनाओ। उ'नें पक्खरुएं ते कीड़ें दे नांऽ लिखो जेह् डे तुं'दे चिड़ियें दे स्नान दा पानी पीने आस्तै औंदे न।



ग. चर्चा करो

पानी बड़ा नमुल्ला ऐ। असेंगी इसदा इस्तेमाल बड़ी सावधानी कन्नै करना चाहिदा। असेंगी पानी दी इक बूंद बी बरबाद नेई करनी चाहिदी। आपूं बिच्चें चर्चा करो ते अपने घर जां बाहूर दियें गतिविधियें दी चंदी बनाओ, जिं'दे कारण पानी गंदा जां बरबाद होदा ऐ। अस पानी दी बरबादी कि'यां रोकी सकने आं ? अपने समूह कन्नै त'उं समाधानें दे बारे च सोचो ते उ'नें गी अपनी नोटबुक च लिखो।

